

## Von Feldmessen.



Dritten seinen schlechten auffgang. So du nun die drey ding eigentlich gemessen hast / so schreib eins jeden maß insonderheit auff / dz du nichts vergessest / So das geschehen ist / so addir oder thue zusammen die zal des obersten vmbkreiß / vnd auch die zal des vndersten vmbkreiß / vnd nimb als dan von der Summ / die auß dem zusammen kommen entstehet / das halb theil / vnd manigfaltige dasselb halb theil / durch die ganze zal des schlechten auffgangs des Bergs / vnd was dir auß solchem manigfaltigen kompt / das zeige dir an die innhaltung der fleche deines gemessen Bergs.

### Des ein Exempel.

Es ist ein Berg / des obersten vmbkreiß oder höhe ist dreyhundert Ruten weit / vnd sein vnderster vmbkreiß an seinem Fuß begreiffet tausende Ruten / Aber sein schlechter auffgang ist acht hundert / Nun thu die drey hundert Ruten des obersten theils des Bergs zu den tausende Ruten des vndersten theils des Bergs zusammen / So werdens in einer Summ tausent dreyhundert. Diese Summ theil in zwey theil / so wird jeglichs theil sechs hundert vñ fünfzig / Der theiln eins / nemlich sechs hundert vnd fünfzig manigfaltige durch acht hundert / so kommen die

men die